



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmma Diana

Diana, Antonino

Coloniae Agrippinae, 1656

Admodvm Reverendo Et Eximio Domino, D. Ferdinando Strobelio, SS.
Theologiae Doctori, Collegiatæ Ecclesiae S. Cassii Bonnæ Canonico, Ad
Sancti Remigii ibidem Pastori Vigilantissimo, Capituli Burgensis ...

urn:nbn:de:hbz:466:1-40647

ADMODUM REVERENDO

Et

EXIMIO DOMINO,

D. FERDINANDO
STROBELIO,

SS. THEOLOGIAE DOCTORI,

Collegiatae Ecclesiae S. CASII

BONNAE CANONICO,

Ad Sancti REMIGII ibidem

PASTORI VIGILANTISSIMO,

Capituli Burgenfis Decano, &c.

PATRONO ET DOMINO MEO PLURIMUM COLENDO.



Antoninum Dianam, inter illos, qui Theologiam
Moralem hac nostra aetate Commentarijs suis il-
lustrarunt plurimi, notum Orbe toto & nobile
Nomen, quod *Tibi* potissimum inscripserim, *Ad-
modum Reverende & Eximie Domine*, Virtus *Tua* & Eruditio
effecerunt, quae non unius patriae Urbis moenibus continen-
tur, sed longè lateque pervagatae, verae constantisque Famae
indicio, ad aures primum meas allapsae, animum deinde affe-
ctumque meum ita *Tibi* adstrinxerunt, ut pridem occasio-
nem, qualem modo nactus videor, offerri mihi exoptaverim,
amoris cultusque mei sinceritatem *Admodum Reverende &
Eximia Dominationi Tua* comprobandi.

• Virtutis certè *Tua* eiusque singularis prorsus atque eximia

D E D I C A T I O.

tot testes habes & admiratores, quot BONNA, quæ Te genuit, cives numerat & inquilinos; qui uno omnes ore indefessâ illâ, & nullo discrimine universis ac singulis expositâ promptamque Pastoris sui vigilantiam, diligentiam, & plusquam paternam sollicitudinē, atq; incredibilem animarum zelum privatim sibi publiceque gratulantur, illustribus Summorum Virorum exemplis provocati, quos inter reticere nō possum eum, cuius memoria apud bonos omnes in benedictione est, Septemvirorum, Præfulum, Principum Sidus, Imperii, Germaniæ, Patriæ Delicium, Serenissimum Coloniensem Archiepiscopum *Ferdinandum*: qui quanti Te faceret, neq; semel, neque obscure patefecit, quando & pro sacris rostris disertissimè perorantem audivit perlibenter, & multiplicibus Naturæ Gratæque dotibus ad præclara omnia magnificè efflorescētē indolem, & incoctum generoso pectus honesto amavit ornāvitq; liberaliter. Huius (fatebor enim) Maximi Optimique Principis, & Arbitri longè æquissimi, tam magnificentum & constans de Te iudicium postquam ab integræ perspectiveque fidei authoribus non ita pridem commemoratū mihi fuit, inter cultores mox *Tuos* nomen meum profiteri coepi, propter eā, quod nō vanè existimarem, eximia omnino exaggeratamque eam virtutem esse oportere, quam tantus Princeps benevolentia favoreque suo complecti nequaquam dubitasset: præsertim, cum eius *Tu* splendorem non retinueris modò ex eo tēpore, sed veluti novā semper radiorum diffusionē, egregiis moribus & factis, ad maximam Nominis *Tui* commendationem, luculenter amplificaveris.

Eruditionem porro *Tuam*, vel me tacente, loquuntur laudū

Tuarum

D E D I C A T I O.

Tuarum Tituli, quos in divinis humanisque scientiis supremos jure *Tibi* optimo, sacri profanique Lycei concordē consensu, peperit *Atas* omnis, in libris literisque summā cū laude transacta, ubi eos progressus fecisti, quos excellenti ingenio sociatum studiū laborq; perdius ac pernōx præstare consueverunt, quosque in *Te* suspiciunt & mirantur, quicumque vel exiguo *Tibi* usu consuetudineque junguntur, quorū hæc est constans, & nullo modo auribus aut gratiæ, sed veritati ipsi data testificatio, eos omnes qui *Te Theologia Doctorem* salutant, istud semper addere posse ac debere:

— *Tanti mensuram Nominis implet.*

Plura non addam, ut pudori *Tuo* & Modestię consulam; cui quantumvis hæc ipsa paucula molesta accident, eiusmodi tamen sunt, quæ Nuncupationis huius meæ audaciam *Tibi* abundè purgare possint: quem præterea submissè oro, velis in Bibliothecā Tuā instructissimā, quam quæ ad usum magis quàm pompam, lectissimis libris quotidie amplificare pergis, forulum unum aliquem indulgere Summæ Theologi Moralis non infimi, *Tibi*, insigni Theologo Morali, Scholastico, & Mystico, meæ in *Te* perpetuæ, ac singularis oblationis monumentum & pignus, pronissimò animo deditæ, eamque æqui bonique consulere. Colonia, die festo S. Iosephi, Patroni *Tui*, Anno Christiano M. DC. LVI.

ADMODVM REVERENDÆ & Eximiæ D. T.

deditissimus servus

IOANNES BVSÆVS, Civis & Bibliopola Colon.

LECTOR